



Broj: 05-630-6/16
Sarajevo, 25. 02. 2016. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, broj 39/14, u nastavku: Zakon), preporuke Komisije za provođenje postupka javne nabavke sertifikata RapidSSL Wildcard za potrebe Agencije za bankarstvo Federacije BiH iz Zapisnika o pregledu i ocjeni ponuda broj: 05-630-5/16 od 23. 02. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj 42/04), direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača za nabavku sertifikata RapidSSL Wildcard

I.

Najpovoljniji ponuđač za nabavku sertifikata RapidSSL Wildcard, putem konkurentskog zahtjeva za dostavu ponuda je ponuđač Team Consulting d.o.o. Sarajevo, jer je dostavio prihvatljivu ponudu sa najnižom cijenom.

II.

Ukupna ponuđena cijena iz tačke I. ove Odluke, za period od 3 (tri) godine, iznosi 681,99 KM bez uračunatog poreza na dodanu vrijednost (PDV), što u konačnici iznosi 797,93 KM s uračunatim PDV-om.

III.

U skladu s članom 70. stav (6) Zakona Agencija za bankarstvo Federacije BiH objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

IV.

Ova Odluka stupa na snagu danom donošenja.

OBRAZLOŽENJE

Agencija za bankarstvo Federacije BiH pokrenula je postupak javne nabavke sertifikata RapidSSL Wildcard. Obavještenje o nabavci predmetne robe objavljeno je na Portalu javnih nabavki dana 16. 02. 2016. godine pod brojem 3010-7-1-25-3-5/16.

Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavještenjem o nabavci i tenderskom dokumentacijom, javno otvaranje ponuda obavljeno je 23. 02. 2016. godine u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-630-4/16 od 23. 02. 2016. godine, u kojem je utvrđeno da su ponude po ovom predmetu nabavke podnijeli ponuđači: „Team Consulting“ d.o.o. Sarajevo i „BitLab“ d.o.o. Banja Luka.

U skladu s utvrđenom procedurom, shodno članu 65. Zakona, Komisija je izvršila pregled i ocjenu ponuda te na osnovu izvršene analize istih u pogledu ispunjavanja zadanih kvalifikacijskih uslova, ustanovila sljedeće nepravilnosti:

- a) Ponudač BitLab d.o.o. Banja Luka nije ispunio uslove iz TD iz razloga zato što nije dostavio popis dokumenata uz ponudu koji čine sadržaj ponude kako je traženo članom IV. stav 1. točka h) TD (stranica broj 3). Također, ponudač je dostavio Aktualni izvod iz sudskog registra čiji je datum originala stariji od 3 (tri) mjeseca od dana dostavljanja ponuda, a što je u suprotnosti sa članom III. stav 1. točke 1.1. TD (stranica broj 3), koji navodi: „Aktualni izvod iz sudskog registra ili izjava/potvrda nadležnog organa se dostavlja kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude“.

Sukladno članu 69. stav (1) tačka a) Zakona, komisija je jednoglasno predložila da se ponudaču „Team Consulting“ d.o.o. Sarajevo dodjeli ugovor za predmetnu nabavku, što je evidentirano u Zapisniku o pregledu i ocjeni ponuda, broj i datum iz uvodnog dijela ove Odluke.

Uvažavajući navedeno, direktor Agencije je prihvatio prijedlog Komisije te donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana od dana prijema ove Odluke, žalba se izjavljuje Agenciji za bankarstvo Federacije BiH i to u pismenoj formi, direktno, elektronskim putem ili preporučenom poštanskom pošiljkom, u dovoljnom broju primjeraka, a koji ne može biti manji od 3 (tri).



Dostaviti:

- svim učesnicima u postupku
- Sektor zajedničkih funkcija
- a.a.